



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იამანიძე თამაზ შალვას ძე



თ. იამანიძე

იამანიძე თამაზ შალვას ძე (21. III. 1944, გესტაფონი, – 18. X. 2014, თბილისი), სამთო ინჟინერი. ტექ. მეცნ. დოქტორი (1996), პროფესორი (1990), საქართვე. ეროვნული აკად. წ.-კორ (2001).

1968 დაამთავრა სპი-ის სამთო-გეოლ. ფაკ-ტი სამთო ელექტრომექანიკოსის სპეციალობით. 1975 მუშაობა დაიწყო საქართვე. მეცნ. აკად. პრეზიდიუმის სამეცნ.-საორგანიზაციო განყ-ბის სწავლულ მდივნად. 1980-85 მონაწილეობდა საქართველოში სამეცნ. კვლევებისა და უმაღლესი სასწავლებლების საბუნებისმეტყველო და საზოგადოებრივ მეცნ. დარგში სამეცნ. საქმიანობის საკოორდინაციო საბჭოს

მუშაობაში. 1985-88 იყო საქართვე. მეცნ. აკად. პრეზიდიუმთან არსებული „დანერგვის“ კომისიის თავმჯდომარე; 1988-2008 საქართვე. მეცნ. აკად. აკადემიკოს-მდივნის მოადგილე, 2008-14 კი – საქართვე. მეცნ. ეროვნ. აკად. აკადემიური საბჭოს მრჩეველი. პარალელურად გ. ნულუკიძის სახ. სამთო ინ-ტში ხელმძღვანელობდა მანქანათა დინამიკისა და მათ. მოდელირების სამეცნ.-კვლ. ჯგუფის მუშაობას.

ი-ის კვლევის ძირითადი მიმართულებებია: საშუალო და დიდი სიმძლავრის საბურღი დანადგარების დინამიკა; ქანისა და სანგრევი ინსტრუმენტის ურთიერთქმედების მათ. მოდელირება და ანალიზი.

გამოქვეყნებული აქვს მრავალი სამეცნ. შრომა, მ. შ. 2 მონოგრაფია.

თბზ.: სანგრევი ინსტრუმენტისა და ქანის ურთიერთქმედების პროცესების ოპტიმიზაცია, თბ., 1995; Исследование виброзащиты станков вращательно-ударного бурения, М., 1975.
